

芭灌注策杖使幽關開泰亡爽超昇行用  
一如常日受持之訣此乃法師存念客行  
之事近世立科宜白以助觀義且使善官  
喜其詳密不知理不應用科文者難以隨  
俗補綴此等事顯行不若默行所以破獄

當請道衆行科而高功端默存念或有萬  
一之補而常俗之論又以地獄淵深非可  
設像於地上而真其應以形迹而言誠不  
可行也第科條所列本有此式為高功者  
祇當精其念慮專誠告祈於大道乞上帝  
矜允則獄何患其不開故欲破獄須盡其  
心以告上帝也既用策杖破獄則破獄行  
用自可連續而古者策杖先以自修不專  
為齋醮而設故破獄之條別作一品

上清靈寶大法卷之三十四

上清靈寶大法卷之三十五

然燈破獄品

破獄之科本不與然燈連續但唐廣成先  
生科有九幽燈則後世之九卮燈也大則

八十一蓋亦可九蓋其古法科中文辭正  
以照燭九幽獄其行用則與禮燈之法相  
似故今以然燈點於獄前請道衆宣科而  
高功存思行用也

道衆列班於獄燈前高功啓白

先祝香如式

謹焚寶香一心奉啓虛無自然元始天尊太  
上道君太上老君昊天玉皇上帝紫微北極  
大帝勾陳天皇大帝后土皇地祇東極青官  
慈悲救苦天尊九天上帝三十二天上帝東  
華上相木公青童道君白玉龜臺九靈太真  
金母元君萬天上帝恭皇天思流慈鑒映玉  
華散景九炁疑烟香雲容羅逕衛九天侍香  
金童傳言玉女為通奏上聞帝前今所  
啓成賜如言稱法位姓某風籍善因養承

仙八

洞霄靈寶法苑靈寶法苑靈寶法苑靈寶法苑

道陰叨膺符籙忝綴班行借主齋修譯當首  
職以今切慮所薦亡過某等及九州四海五  
道三途抱識含靈一切幽冥下元罪魂自業  
幻身多罹陰境牽纏地府執條冥曹非憑上  
帝之願恩豈得幽都之奉今伏願降度魂之  
勅命下破獄之冥付六天十洞之曹閣高啓  
開五嶽九幽之境放罪釋愆庶使係薦之亡  
魂以至九州之滯識超離苦趣瞻觀慈光符  
命下頒以時報應 恭對天闕依格奉行無  
任祈恩俟命之至

高功存變行持 道衆一人行科

伏聞天地八方有九幽地獄考謫罪魂皆由  
生世之時造諸惡業身歿之後淪滯三途受  
報終天無由解脫冥冥長夜不親光明若非  
大聖垂慈善緣開度長居黑暗億劫難原所  
以天尊玄科者然燈之品繼明西日照映窮  
泉流光所臨沉魂息苦神輝所燭幽冥停礙  
然燈之功獲福無量以今齋官某切慮亡過  
某條謝日案竟歸夜府或罹牽執未遂升遷  
謹用依教祈恩修齋行道焚符破獄按格點

燈伏願九獄消簡對之文三途罷謫役之苦  
靈光所燭黑壤闡明恭對燈壇闡行法事

舉法事

弟子其人謹然九幽神燈上照東方無極諸  
天福堂之內陽光煥赫照徹東方中照震宮  
之卯位青帝之野清蕩凶災掃除氛翳下照  
東方風雷地獄破除幽暗開諸光明一切幽  
魂乘茲妙利震雷霹靂靈息難停威克獲生天  
逍遙自在法眾虔誠稱揚讚詠

眾諷中篇旋遠

弟子其人謹然九幽神燈上照南方無極諸  
天福堂之內陽華洞煥徹照無窮中照離宮  
午位赤帝之野消平災異掃蕩氛邪下照南  
方火翳地獄破除幽暗開諸光明一切幽魂  
乘茲福利吞火食炭克獲清涼普得生天逍  
遙快樂法眾虔誠稱揚讚詠

眾諷中篇旋遠

弟子其人謹然九幽神燈上照西方无極諸  
天福堂之內真光洞徹照耀重泉中照兌宮  
酉位白帝之野消蕩兇惡掃滅邪氛下照西

方金剛地獄破除幽暗開諸光明一切幽魂  
乘茲福利金槌鐵杖化成蓮華溥得生天逍  
遙快樂法眾虔誠稱揚讚詠

眾諷中篇旋遠

弟子其人謹然九幽神燈上照北方无極諸  
天福堂之內祥光照灼朗徹無邊中照坎宮  
子位黑帝之野蕩除邪穢洗滌災凶下照北  
方冥冷地獄破除幽暗開諸光明一切罪魂  
乘茲福利冰戟霜刃楚毒殲除普得生天逍  
遙快樂法眾虔誠稱揚讚詠

眾諷中篇旋遠

弟子其人謹然九幽神燈上照東方无極諸  
天福堂之內靈光洞煥照映虛空中照艮宮  
寅位丑寅之野掃清災沴摧蕩凶邪下照東  
北方鑊湯地獄破除幽暗開諸光明一切幽  
魂乘茲福利鐵叉黃漬息苦停酸早獲生天  
逍遙快樂法眾虔誠稱揚讚詠

眾諷中篇旋遠

弟子其人謹然九幽神燈上照東南方无極諸  
天福堂之內光華普照煥耀無涯中照巽宮

巳位辰巳之野蠲消邪惡摧滅災凶下照東  
南方銅柱地獄破除幽暗開諸光明一切罪  
魂乘茲福利免其焦爛內外清涼獲生天堂  
逍遙自在法眾虔誠稱揚讚詠

眾諷中篇旋遠

弟子其人謹然九幽神燈上照西南方无極諸  
天福堂之內流光洞徹照耀無窮中照坤宮  
申位未申之野掃除陰沴清蕩凶邪下照西  
南方屠割地獄破除幽暗開諸光明一切罪  
魂乘茲福利免經屠割業報蠲除盡得生天  
逍遙快樂法眾虔誠稱揚讚詠

眾諷中篇旋遠

弟子其人謹然九幽神燈上照西北方无極諸  
天福堂之內光華煥徹朗映太虛中照乾宮  
亥位戌亥之野掃清妖惡蕩滅凶災下照西  
北方火車地獄破除幽暗開諸光明一切幽  
魂乘茲福利停輪息鑿清淨宿根離苦生天  
逍遙快樂法眾虔誠稱揚讚詠

眾諷中篇旋遠

弟子其人謹然九幽神燈上照中天福堂之內

光明煥徹輝映萬方中照中宮神州境域災  
凶珍息妖惡潛消下照中央普掠地獄破除  
幽暗開朗光明一切幽魂乘茲福利刀山劔  
樹永斷攀緣離苦生天道遙快樂法衆虔誠  
稱揚讚詠

衆諷中篇旋遶

向來然燈破獄無限良因伏爲九幽地獄无  
量罪魂以至十類四生三途五道九州分野  
苦爽沉靈无量无边含情抱識有主無主若  
冤若親墮此獄中受諸罪報或先身作業此  
世爲愆或三業六情或宿纏往對當生之日  
不悟善緣自作自爲違天負地命過之後幽  
係地司五苦互煎衆惡備受諸罪未盡難獲  
託生展轉三途輪迴六趣動經億劫出離無  
由一夫人身永垂賢路自非大道遷拔至聖  
垂慈長夜沉沉何由超脫因今然燈懺謝成  
觀光明集此善因奉爲齋宮薦拔亡過其一  
性昭融萬罪消滅乘茲善果託化更生爲此  
因緣志心稱念十方救苦天尊不可思議功  
德

高功望闕謝恩

高功存念行持法於道衆未宜科先密啓  
上真具陳齋悃次執策杖用破獄符九道  
半幅薄紙書之不用語文每同中篇真文  
一幅共捲法師袖中執杖化身爲救苦天  
尊步罡一座出罡向東方地獄燒符文一  
道存青黃白三色之炁隨灰散布光芒照  
徹下入地中萬文下見此方地獄等處不  
計數目千曹萬局考對之司悉皆望闕領  
受符命毀鎖開張盡放罪魂隨光來詣道  
場焚符念本方梵唱呪想成再燒鄴都山  
形一本吹散其灰隨炁以杖撥開獄燈見  
上極高天下窮厚地內外洞明地獄空閑  
九獄皆同都畢法師回身望闕上香謝恩  
而退破獄符見別品中

九清梵唱破獄呪

東方

九炁青華 先曜風雷 玉寶慈尊 摧戈毀戟  
扶晨通照 覓昇太微 神識受度 福享無期  
南方

三炁丹華 光徹火窮 萬福慈尊 觸火火池  
化成青圃 甘涼瑩肌 苦魂受恩 道遙无爲

西方

七炁素華 照耀金剛 太妙慈尊 摧鋒滅鉞  
刀化鸞林 劔變栢桑 魂魄升度 與日同光

北方

五炁蒼華 光徹冥冷 玉晨慈尊 冰雪池溫  
濕生寒廓 毒汁涓涓 魂獲妙樂 飛昇香林

東北方

梵炁晨華 徹照鑊湯 度仙上聖 威感無方  
沸湧停息 以化甘漿 亡魂生形 徑昇天堂

東南方

生炁之華 下照東南 銅柱破裂 火鏡息閑  
好生度命 普濟無間 苦爽解脫 昇度玉壇

西南方

黃華月輝 透降坤維 除釋鋒鉞 屠割摧威  
虛皇慈尊 保度沉黎 罪魂澄魅 刀劔悉摧

西北方

天元景色 祥華敷光 无量慈尊 塗毒消亡  
火車摧敵 皆化青蓮 焦骨爛肢 再生清涼


上方

玉光金真 流精降暉 火坑天牢 悉變死灰  
玉虛玄尊 普度充為 魂昇天堂 受福巍巍

中央

三晨玄景 洞照普掠 真皇慈尊 除落考掠  
金鏡鐵杖 應時消鑠 萬苦停酸 罪魂快樂

破獄罡式



九獄燈圖

謹遵師傳上稽舊格破獄行用悉著于編  
闡燈之文出廣成先生黃籙齋科其式只  
如禮燈之法亦不諷經古本上稱九幽燈  
而已後世九厄燈則每方諷生神章其文  
亦必異今用於獄壇仍令齋官禮燈而道  
衆宣演如法以助高功行用如禮東方燈  
高功則至東方行持破獄所以諷中篇旋  
遠以應高功存念也道衆方宣文禮第二  
方燈旋詠如初九獄皆然庶使高功神炁

安平與祝燈之辭語意相合免致紊亂存  
想如近世九獄燈文乃闡燈之中每方舉  
偈子一首言辭不能典雅且與破獄事體  
全不相合所以汨溷高功之耳又無益於  
事也若九幽神燈然於道場諸處則闡祝  
之科自從世法但破獄之義本為普度而  
設齋修之建雖隨齋主之力凡有三朝啓  
壇散壇奉行齋法並合隨宜備置斛食廣  
及三途悉行度化然後請符頒命破獄行  
持庶其有理今齋詞之中上不祝君主而  
及窠區下不度九祖而及五道用心窄隘  
專意於所薦三位亡魂如此則上帝不應  
為一人而設特降符章悉開九獄必無此  
理也地獄未必可盡孤魂未皆可度而我  
之立意無一毫及物之心豈太上垂科之  
本意也施食普度不拘多寡隨力輕重以  
恢善意則破獄故事始可舉行專薦而無  
一語及衆生者止可然燈宣讀足矣破獄  
之科不必用也識者以為然否今之求用  
於齋主者不敢喘息此說吾當自行之可

也

上清靈寶大法卷之三十五

仙八

九